

## КАНОН БЛАГОДАРСТВЕННЫЙ глас 4

Пресвятей Богородице, поемый  
в субботу Акафиста  
во святых обителях Святыя Горы<sup>1</sup>

### Песнь 1

*Ирмос:* Отвѣрзу уста моя, и наполнятся Духа, и слово отрыгну Царнице Матери, и явлюся светло торжествуя, и воспую радуясь Тоя чудеса.

Избрала еси, Чистая, народ и царский Град<sup>2</sup>, яко Царица правити и царствовать над ним, да от погібели храниши варвар вышший и чтущий величие Твое.

Оле неизчетных Твоих о достоянии Твоем, Всесвятая, чудес, како невредима, непотопляема соблюла еси его, яко в пучине варварскими окружена ветрами противными.

Да поет Тебе, Владычице, Давид, божественный праотец Твой: Радованного гласа послушай, Дщи, приклони ухо к народу Твоему, на всякое лето поющему благодарственная.

Слава: Стрела еси, Владычице, и возмутила еси море, и в конец потопила еси корабль, Христа ненавидящая, скифскую погібель, якоже Агари [сыны]: народ же спасенный поет чудеса.

И ныне: Пажить многовременную, творящим напасти на град Твой, Дево, возразила еси, лютым от Агари, истребив войнство их и в конец потопив к дому бежащих.

### Песнь 3

*Ирмос:* Твоя песнословцы, Богородице, живый и независтный источник, лик себе совокупльшия духовно утверди в Божественней Твоей славе, венцев славы сподоби.

Се языком в злобе сущим воды возшумела, Чистая, Граду Твоему в погібель крепостию их: но яже силою Твоею при аде разсеялася.

Люди избранны, Дево, язык свят Тебе яже и божественное священство, царствие избранное: Царьград даде Твой Сын в достояние.

Слава: Равноставное движение персы со скифами подъемше в сердце своем яко ветр и буря, Чистая, ко Граду Твоему припадоша: но яко прах их развеяла еси.

И ныне: Изцеление сокращение, Дево, Твоя дщере<sup>3</sup>, и мучение чуждых и хулник скоро претерпел: коня бо низвергла еси и всадника праведно.

### Песнь 4

*Ирмос:* Незследный Божий совет, еже от Девы воплощения Тебе Вышняго, пророк Аввакум усмотряя, зовяше: слава силе Твоей, Господи.

<sup>1</sup> Краеграhesие: *Царьград спасительная Тебе Деве [воспеваеt]*. В богородичнах указано имя автора: «Николая».

<sup>2</sup> Здесь и далее в каноне под Градом везде разумеется Константинополь. Как известно, служба Субботы Акафиста установлена в память о чудесном спасении Пресвятой Богородицей Константинополя от нашествия иноплемеников.

<sup>3</sup> Имеется в виду город Константинополь (в греческом языке Слово «город» – женского рода).

Днесь пресла́вная ви́де, Чи́стая, Град, нача́льник градо́в, Тебе́ Де́ве воево́дствующей на враги́ на всякой су́ше, я́ко то́лща земли́ проседо́шася.

Ко́е Ти воздая́ние, Ма́ти Бо́жия, ны́не има́мы возда́ти досто́йно, неключи́мии раби́, о всех и́миже нас облагодетельствовала еси́, те́мже от души́ Тя почита́ем.

Ага́ри исча́дия, и́мже прилага́ется Град служа́щий ни́жнему уде́лу, Влады́чице, присту́пивше я́ко вихрь к свобо́дному граду́ Твоему́, я́ко ка́мень в пучи́не погрязо́ша.

Слава: Обра́зы Всенепоро́чная, Твоего́ зра́ка в изображе́ниях то́чных иера́рх и все мно́жество с мольбо́ю о заступле́нии иму́ще, побéду на вра́ги воздвиго́ша.

И ны́не: Ми́ра Тя Цари́цу Цары́град, над все́ми гра́дами ца́рствующий, а́ще и ве́дающе, оба́че Влады́чица его́ [еси́], zeló обогатéяввыйся Тобо́ю, пребы́вает врага́м непристу́пный.

## Песнь 5

*Ирмос:* Ужасо́шася вся́ческая о Боже́ственной сла́ве Твое́й. Ты бо, неискусобра́чная Де́во, имела́ еси́ во утробе́ над все́ми Бо́га, и родила́ еси́ безле́тнаго Сы́на, всем воспева́ющим Тя мир подава́ющая.

Ви́дно бысть сло́во, преподо́бно соверша́емое, еди́н бо погна́ ты́сящы, и два вспять дви́гноста вся тмы́<sup>1</sup> в бегство́, си́лою заградивше́ся Де́вы непобори́мою.

Ссече́ а́нгел, я́ко во изступле́нии пре́жде, Сеннахи́рма тмы́, шата́вшагося на жива́го Бо́га<sup>2</sup>; ны́не же неизче́тныя язы́ков до еди́наго умертви́ тмы Влады́чица.

Слава: Та́юще боле́знями неуврачеванны́ми, ва́рвари вси, напа́дшии на насле́дие Твое́, Де́во, гла́дом и сне́дию птиц, и устраша́еми стра́шно, навико́ша и́миже пострада́ша, я́ко Тебе́ презре́ша<sup>3</sup>.

И ны́не: Егда́ же Вы́шний язы́ки разделя́ше, я́ко да и́мут опека́ние у а́нгел, кро́вию Боже́ственною и́хже искупи́, досто́яние ча́сти Ма́тери, Град спасе́, его́же храни́ши неруши́м.

## Песнь 6

*Ирмос:* Боже́ственное си́е и всечестно́е соверша́юще пра́зднство, богому́дрии, Богома́тере, прииди́те, рука́ми воспле́щим, от Нея́ ро́ждшагося Бо́га сла́вим.

Ору́жие, щит и брань, врага́м попира́ющим, Богоневéсто, досто́яние Твое́, тще́тны и безде́льны показала́ еси́, я́ко Градозасту́пница его́ щито́м закрыв́шая.

Непра́ведно напа́дши Перси́да на Царя́ градо́в, на рабо́ту пра́ведную влады́чествуя́щему осуди́ся, побóрствующей то́му Богома́тери.

Ку́пы изведе́ мо́ре, я́коже египтяны́ пре́жде, ага́рян ме́ртвых, и́хже погрузи́, напа́дшыя на насле́дие Богома́тере.

Слава: Соде́лавый Град хра́мом Тебе́, Де́во, просла́вленным, влады́ка лику́ет, ви́дяй Тя сей соблюда́ющую и тще́тно взыва́ющаго врага́ сокруши́вшую.

И ны́не: Лю́дие и Град христолюбивый избáвльшеся стра́шнаго поглоще́ния, побóрствующей Тебе́, ны́не благода́рственное всено́щное в неседáльном стоя́нии соверша́ют, сла́вяще Тя.

## Песнь 7

*Ирмос:* Не послужи́ша тва́ри богому́дрии па́че Созда́вшаго, но о́гненное преще́ние му́жески попра́вше, ра́довахуся, пою́ще: препе́тый отце́в Госпо́дь и Бог, благослове́н еси́.

Моле́бное Тебе́ моле́ние прино́сим, спасе́ни от стра́шнаго плене́ния, Чи́стая, избáвится моля́щеся и от невидимых враг, и́хже брань не в плóти и кро́ви есть, но уму́ супроти́вится.

<sup>1</sup> Ср.: Втор. 32:30.

<sup>2</sup> Ср.: 2 Цар. 18–19.

<sup>3</sup> Ср.: Втор. 32:24

Луцы вси сильных сокрушишася и изнемогоша в себе, немощнии же яве препоясашася крепостию и силою<sup>1</sup>, яко непоборимою разбогатевше силою в уповании на Тя, Деве.

Слава: Хульный угасе и истле язык проповедника гнусныя жертвы, свыше бо повержен быше, падеж страшен, не вопий Ти: благословен, Владычице, Плод чрева Твоего.

И ныне: Да отверзутся врата Твоя, Царице всех градов, и да внидут свободными ногами прежде узники Твоя и сущий в затворе, бьющаго бо ярем сокрушися, воеводствующей Деве.

## Песнь 8

*Ирмос:* Отроки благочестивыя в пещи Рождество Богородичо спасло есть: тогда убо образуемое, ныне же действующее, вселенную всю воздвизает пети Тебе: Господа пойте дела и превозносите Его во вся веки.

Персы и миды, и иже от гуннов, вражии роди стязохуся: приидите и да удержим народ избранный, посреде бо них никтоже есть царствующий ныне. Но обличишася в шатании точию, всех бо изьяла есть яко траву Дева.

Царь Тебе град, Богородице, имже благочестие возмогает, всеночное на всяко лето поет правило и празднует с веселием Царьграда избавительная и спасительная яве, песнослова, Деве, Рождество Твое странное.

Слава: Разседошася ладии безбожников, друг на друга в трусе и буре грозней зельне ударяша, друзии утопли суть, вси до единого погибоша и исчезоша, плачется же и племеноначальник, видяй дело, бывшыя и уцелевшыя мечи.

И ныне: Погибоша языцы преславно на достояние Твое нападшии, воздвигоша уста бо к высоте небесней и укоризненный их язык наставляша в землю величаву, Деве, якоже Рапсак<sup>2</sup>, с нимже и истлеша.

## Песнь 9

*Ирмос:* Яко одушевленному Божию кивоту, да никакоже коснется рука скверных. Устне же верных Богородице немолчно, глас ангела воспевающе, с радостию да вопиют: радуйся, благодатная, Господь с Тобою.

Дивна Твоя есть скиния, палата всех Царя, Дух бо Тя осени, Богородице, страшный устрои Тя чертог, ныне же Град Твой сей наследие, но сохраняеши сей от вражиих варвар невредина.

Ловятся, Богородице Чистая, неправедно имиже уловляша праведных Град и народ из Персиды нападшии, на них нападшему страшно губительству, воеводствующей Тебе, Деве, на сих и совоеводствующей верному царю.

Законоположитель прежде Моисей, воображая дланьми Крест, народ Израилев от гнусныя руки Амалика борца избавляет, ныне же Крестом и образы божественными врагов побеждают рuce мужей благочестивых.

Слава: Яко одушевленным Божиим кивотом избавляемся Тобою, Богородительнице, в конец водою потопляемей брани язык покрывающих земли лице и над холмы возносящихся, Твоим же потребляемых попечением вскоре, Чистая.

И ныне: Превозлетают, Богомати, Твоя чудеса силу словес, крепостию бо Твоею непоборимою избавила еси иноплемеников нападения, Чистая, на наследие Твое, темже благодарственно да вопию Ти: Ты еси мое, Богородице, избавление, заступление и прибежище.

<sup>1</sup> Ср.: 1 Цар. 2:4.

<sup>2</sup> Ср.: 2 Цар. 18.